

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU



Босна и Херцеговина
Федерација Босне и Херцеговине
Босанско-подрињски кантон Горажде
МИНИСТАРСТВО ЗА ПРИВРЕДУ

Bosnia and Herzegovina
Federation of Bosnia and Herzegovina
Bosnian-podrinie Canton Gorazde
MINISTRY OF ECONOMY

P R O G R A M

utroška sredstava Ministarstva za privredu Bosansko-podrinjskog kantona Goražde

**„PROGRAM UNAPREĐENJA USLUGA JAVNIH PREDUZEĆA U BOSANSKO-
PODRINJSKOM KANTONU GORAŽDE,, za 2026. godinu**

Sa ekonomskog koda 614 400 – Subvencije javnim preduzećima

Goražde, januar 2026. godine

PODACI O PROGRAMU

Period realizacije programa: 01.01.2026. - 31.12.2026.

Budžetska pozicija: Subvencije javnim preduzećima

Ekonomski kod: 614 400 (HAP 001)

Ukupna vrijednost Programa: 600.000,00 KM

Odgovorna osoba: mr.sc. Mensad Arnaut

Pozicija odgovorne osobe: Ministar

Kontakt osoba za Program: Hadžiomerović Melida

Kontakt telefon: +387-38-228-640

Kontakt e-mail: melida.hadziomerovic@mbpkg.gov.ba

Saglasnost: Saglasnost na ovaj program dala je Vlada Bosansko-podrinjskog kantona Goražde svojom Odlukom, broj: 03-11-121/26 od 22.01.2026. godine

Internet: www.mp.bpkg.gov.ba

Na osnovu člana 47. Zakona o izvršenju Budžeta Bosansko-podrinjskog kantona Goražde za 2026. godinu ("Službene novine Bosansko-podrinjskog kantona Goražde", broj: 13/25), u skladu sa Zakonom o sistemu državne pomoći u Bosni i Hercegovini ("Službeni glasnik BiH" broj: 10/12), Zakonom o unapređenju lokalnog poslovanja Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 12/19) i Strategijom razvoja Bosansko-podrinjskog kantona Goražde za period 2021-2027, Ministarstvo za privredu Bosansko-podrinjskog kantona Goražde utvrđuje:

PROGRAM UTROŠKA

sredstava Budžeta Bosansko-podrinjskog kantona Goražde za 2026. godinu
sa ekonomskog koda 614400 (HAP 001)- Subvencije javnim preduzećima

TAČKA 1.

NAZIV PROGRAMA

Naziv Programa utroška sredstava Budžeta Ministarstva za privredu Bosansko-podrinjskog kantona Goražde za 2026. godinu sa ekonomskog koda 614400 (HAP 001) – Subvencije javnim preduzećima glasi: **„Program unapređenja usluga javnih preduzeća u Bosansko-podrinjskom kantonu Goražde“ za 2026. godinu**(u daljem tekstu : Program)

TAČKA 2.

SVRHA I OPIS PROGRAMA

2.1. Svrha Programaja pružanje podrške, davanjem pojedinačne državne pomoći za unapređenje usluga javnih preduzeća koja se nalaze na području Bosansko-podrinjskog kantona Goražde, tj. pružanje podrške javnim preduzećima: koja se bave zaštitom i brigom o domaćim životinjama, koja vrše uzgoj i zaštitu šuma kao i korištenje šumskih proizvoda, koja vrše emitiranje radijskog i televizijskog programa, čime bi došlo do povećanja stepena informisanosti građana na području Bosansko-podrinjskog kantona Goražde, preduzećima koja vrše upravljanje, zaštitu, održavanje objekata i drugih djelatnosti od javnog interesa za Bosansko-podrinjski kanton Goražde, kao i javnim komunalnim preduzećima sa područja Bosansko-podrinjskog kantona Goražde koja obavljaju komunalne i druge djelatnosti od javnog interesa.

Svrha Programa je takođe, da se u skladu sa Zakonom o izvršenju budžeta, osigura planski i transparentan utrošak sredstava, odobren na ekonomskom kodu 614 400 (HAP 001) – Subvencije javnim preduzećima.

Ovim programom definisano je pružanje podrške javnim i javnim komunalnim preduzećima sa područja Bosansko-podrinjskog kantona Goražde, koja nisu u stanju da vlastitim sredstvima zaustave određene nastale gubitke i koji bi bez intervencije Ministarstva za privredu gotovo sigurno rezultirali zastojem njihovog poslovanja i prestankom pružanja usluga od javnog interesa. Takođe je planirano da se ova grant novčana sredstva utroše i u nabavku neophodne opreme za nesmetan razvoj javnih preduzeća.

TAČKA 3.

OPĆI I POSEBNI CILJEVI PROGRAMA

(3.1.)

(Opći/osnovni cilj Programa)

Ovim programom je definisano pružanje podrške javnim i javnim komunalnim preduzećima sa područja Bosansko-podrinjskog kantona Goražde, koja nisu u stanju da vlastitim sredstvima izvrše neophodnu nabavku opreme, uređenje infrastrukture, plaćanje troškova za zdravstveno osiguranje ili neki drugi vid podrške kojim bi se omogućilo poboljšanje poslovanja javnih i javnih komunalnih preduzeća sa područja Bosansko-podrinjskog kantona Goražde.

(3.2.)

(Posebni/specifični ciljevi Programa)

3.2.1. Posebni ciljevi programa su:

1. Podrška Javnim preduzećima sa područja Bosansko-podrinjskog kantona Goražde koja se bave zaštitom i brigom o domaćim životinjama, kroz uređenje-opremanje radnih prostorija, nabavka neophodne opreme, kao i utopljavanje objekta, sve u cilju poboljšanja uslova za rad uposlenih, što će omogućiti nesmetanu održivost i bolje usluge.
2. Podrška Javnim preduzećima u nadležnosti Bosansko-podrinjskog kantona Goražde koja se bave informisanjem, odnosno emitiranjem radijskog i televizijskog programa na području Bosansko-podrinjskog kantona Goražde u vidu uređenja prostorija kao i nabavku opreme.
3. Podrška Javnim preduzećima koja se bave uzgojem, zaštitom, pošumljavanjem kao i iskorištavanjem šuma i sekundarnih šumskih proizvoda, sa područja Bosansko-podrinjskog kantona Goražde. Podrška se odnosi na novčane podsticaje koji bi omogućili javnim preduzećima nabavku neophodne opreme u cilju održivosti preduzeća, zadržavanju zaposlenih, a sve u cilju omogućavanja što kvalitetnije proizvodne djelatnosti i kvalitetnijih usluga.
4. Podrška Javnim preduzećima koja vrše upravljanje, zaštitu, održavanje objekata i obavljanje djelatnosti od javnog interesa za kanton i koja su u nadležnosti Bosansko-podrinjskog kantona Goražde, odnosi se na novčane podsticaje za projekte koji mogu biti za: nabavku opreme, uređenje

zajedničke i pojedinačne infrastrukture koja će omogućiti unaprijeđenje poslovanja, kao i za zahtjeve koji mogu biti za: izmirenje obaveza prema dobavljačima i zaposlenima, te bilo koji drugi troškovi koji utiču na zadržavanje radnika, a sve u cilju održivosti preduzeća, novom zapošljavanju i pružanju što kvalitetnijih usluga.

5. Podrška javnim komunalnim preduzećima sa područja Bosansko-podrinjskog kantona Goražde koja pružaju usluge od javnog interesa. Podrška bi se odnosila na nabavku prioritetne opreme koja je neophodna za pružanje komunalnih usluga (sanacija vodovodne mreže, odvoz komunalnog otpada, sanacija kanalizacione mreže, nabavku/sanaciju-popravlak osnovnih sredstava za rad preduzeća i nabavku neophodnih pomoćnih sredstava i sitnog inventara (pumpi, vodomjera, ventila cijevi, kontejnera i kanti za smeće).

TAČKA 4.

POČETAK I VRIJEME IMPLEMENTACIJE PROGRAMA

Implementacija Programa za 2026. godinu počinje dobijanjem saglasnosti od strane Vlade Bosansko-podrinjskog kantona Goražde i trajeće do 31.12.2026. godine.

TAČKA 5.

PLANIRANA SREDSTVA ZA PROVOĐENJE PROGRAMA

(5.1.)

(Visina sredstava za provođenje programa)

Planirana sredstva za provođenje Programa utroška, definisana su Budžetom Bosansko-podrinjskog kantona za 2025. godinu u ukupnom iznosu od **600.000,00 KM**. Sredstva za ove namjene nalaze se na ekonomskom kodu 614 400 (HAP 001) – Subvencije javnim preduzećima.

(5.2.)

(Maksimalni budžet po komponentama)

Programom se utvrđuje visina, odnosno maksimalni i minimalni iznos sredstava za svaki posebni cilj programa. Minimalna i maksimalna visina sredstava za pojedinačni specifični cilj predstavlja jednu finansijsku komponentu programa.

Za svaki poseban cilj, odnosno za svaku finansijsku komponentu programa definisan je slijedeći maksimalni / minimalni budžet:

1. Podrška Javnim preduzećima sa područja Bosansko-podrinjskog kantona Goražde, koja se bave zaštitom i brigom o domaćim životinjama.

Maksimalni iznos do 20.000,00 KM

2. Podrška Javnim preduzećima u nadležnosti Bosansko-podrinjskog kantona Goražde koja se bave informisanjem odnosno emitiranjem radijskog i televizijskog programa na području Bosansko-podrinjskog kantona Goražde.

Maksimalni iznos do 50.000,00 KM

3. Podrška Javnim preduzećima koja se bave uzgojem, zaštitom, pošumljavanjem kao i iskorištavanjem šuma i sekundarnih šumskih proizvoda, sa područja Bosansko-podrinjskog kantona Goražde.

Maksimalni iznos do 100.000,00 KM

4. Podrška Javnim preduzećima koja vrše upravljanje, zaštitu, održavanje objekata i obavljanje djelatnosti od javnog interesa za kanton i koja su u nadležnosti Bosansko-podrinjskog kantona Goražde.

Maksimalni iznos do 170.000,00 KM

5. Podrška Javnim komunalnim preduzećima sa područja Bosansko-podrinjskog kantona Goražde koja pružaju usluge od javnog interesa.

Maksimalni iznosdo 260.000,00 KM

TAČKA 6.

REDISTRIBUCIJA SREDSTAVA

(1) U slučaju potrebe koja se ukaže u toku implementacije programa, Ministarstvo može napraviti redistribuciju sredstava sa jedne na drugu finansijsku komponentu u iznosu do maksimalno 25 procenata od iznosa komponente sa koje se sredstva prenose. Redistribuciju ovih sredstava Ministarstvo za privredu će izvršiti Odlukom Ministra za privredu Bosansko-podrinjskog kantona Goražde, bez saglasnosti Vlade Bosansko-podrinjskog kantona Goražde.

(2) U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta Ministarstva za privredu ili preusmjerenja između budžetskih korisnika, Ministarstvo za privredu će vršiti izmjenu i dopunu Programa u skladu sa potrebama na osnovu kojih će se donijeti Odluke o preusmjerenju, povećanju ili smanjenju ukupne vrijednosti Programa uz saglasnost Vlade BPK-a Goražde.

TAČKA 7.

KRITERIJI ZA RASPODJELU SREDSTAVA

(7.1.)

(Način raspodjele sredstava)

- (1) Raspodjela sredstava vrši se dodjelom državne pomoći u novcu Javnim preduzećima koja su sa područja Bosansko-podrinjskog kantona Goražde, koja može biti dodijeljena jednom ili više puta u skladu sa odredbama ovog Programa i raspoloživosti novčanih sredstava.
- (2) Raspodjela sredstava u slučaju dodjele državne pomoći u novcu vršiće se nakon objave Javnog poziva i odabira najpovoljnijih aplikanata.
- (3) Konačne Odluke o dodjeli državne pomoći korisnicima sredstava iz ovog Programa donosi Vlada Bosansko-podrinjskog kantona Goražde. Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, zahtjev je odobren i Ministarstvo za privredu dostavlja zahtjev za plaćanje Ministarstvu za finansije. Prije dostavljanja zahtjeva, Premijer Bosansko-podrinjskog kantona Goražde/Ministar za privredu Bosansko-podrinjskog kantona Goražde zaključuje Ugovor o korištenju sredstava uz prethodno pribavljeno mišljenje Kantonalnog pravobranilaštva i Ministarstva za finansije.

(7.2.)

(Kriteriji za raspodjelu)

- (1) Kriteriji po osnovu kojeg će se vršiti raspodjela sredstava programa:
 - a) ispunjenje opštih uslova za učestvovanje u programu (tačka 7.3);
 - b) ispunjavanje posebnih uslova za učestvovanje u programu (tačka 7.4);
 - c) rezultati procesa apliciranja, selekcije i evaluacije projekta (tačka 8);
 - d) prioriteti, posebni uslovi i ograničenja za korištenje podrške (tačka 9).

(7.3)

(Opšti uslovi za učestvovanje u programu)

U implementaciji Programa primjenjivaće se procedure koje omogućavaju ravnopravno učestvovanje u Programu javnih preduzeća koja kumulativno ispunjavaju slijedeće opšte uslove:

1. da su registrovana kao javna preduzeća u skladu sa odredbama Zakona o javnim preduzećima i Zakona o privrednim društvima FBiH.
2. da imaju registraciju i sjedišta na prostoru Bosansko-podrinjskog kantona Goražde,

3. da su u nadležnosti Bosansko-podrinjskog kantona Goražde i da obavljaju djelatnost na prostoru Bosansko-podrinjskog kantona Goražde,

(7.4)

(Posebni uslovi za učestvovanje u programu)

1. da se ne nalaze u procesu stečaja ili likvidacije ili blokade računa.
2. da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju obaveza,
3. da su registrovana zaključno sa 31.12.2023. godine;
4. da su namjenski, u skladu sa ugovorima utrošili novčana sredstva odobrena od strane Vlade/Ministarstva za privredu Bosansko-podrinjskog kantona Goražde u prethodnoj 2025. godini, ukoliko im je takva pomoć dodijeljivana.

(7.5.)

(Kandidovanje prijedloga projekta/zahtjeva za sredstvima)

(1) Prijedlozi projekata/zahtjeva za sredstvima dostavljaju se nakon objavljivanja Javnog poziva, koji se raspisuje u skladu sa odredbama Programa.

(2) Podnošenje prijedloga projekata/zahtjeva vrši se isključivo na aplikacionom obrascu za projekte/zahtjeve Ministarstva za privredu Bosansko-podrinjskog kantona Goražde, koji će se objaviti na službenoj stranici Vlade Bosansko-podrinjskog kantona Goražde i Ministarstva za privredu Bosansko-podrinjskog kantona Goražde, a ujedno će biti i prilog ovom Programu.

(3) Javni poziv će se raspisati za sve specifične ciljeve Programa.

(4) Pravilno popunjavanje propisane forme omogućava da se svi aspekti prijedloga projekata/zahtjeva, objektivno selektiraju i procjene.

(5) Svi prijedlozi projekata/zahtjeva procjenjuju se u skladu sa procedurama apliciranja, selekcije, evaluacije i rangiranja.

(6) Izuzetno od odredbe tačke (7.4) alineja 4. aplikantima koji nisu dostavili Izvještaj o namjenskom utrošku sredstava, mogu učestvovati na javnom pozivu i mogu im se odobriti novčana sredstva, ali ista se neće doznačiti sve dok ne dostave dokaze o namjenskom utrošku sredstava odobrenih u prethodnoj godini.

TAČKA 8.

PROCEDURE APLICIRANJA, SELEKCIJE I EVALUACIJE ZAHTJEVA ZA SREDSTVIMA

(8.1.)

(Aplikant)

(1) Lica koja ispunjavaju opšte i posebne uslove za učestvovanje u programu i koja u formi propisanoj od strane Ministarstva za privredu dostave prijedlog projekta/zahtjeva za sredstvima imaju status aplikanta.

(2) Javni poziv se raspisuje nakon dobijanja saglasnosti na Program od strane Vlade Bosansko-podrinjskog kantona Goražde. Javni poziv minimalno sadrži sažetak svrhe, opšteg i posebnog cilja, način raspodjele i rokove za dostavljanje aplikacija. Javni poziv će biti otvoren do utroška sredstava predviđenih ovim Programom odnosno raspoloživim sredstvima u skladu sa operativnim finansijskim planovima Ministarstva za privredu Bosansko-podrinjskog kantona Goražde a najkasnije do 31.10.2026. godine.

(3) Javni poziv se objavljuje na internet stranici Vlade Bosansko-podrinjskog kantona Goražde, službenim oglasnim pločama Vlade BPK-a Goražde i Ministarstva za privredu BPK Goražde i jednom elektronskom mediju.

(8.2.)

(Kandidovanje prijedloga projekata/zahtjeva)

(1) Aplikant može kandidovati samo jedan prijedlog projekta u kojem je planirao troškove projekta iz sredstava Programa. Za četvrti cilj aplikant može dostaviti samo jedan prijedlog projekta i najviše dva zahtjeva u kojima je planirao troškove iz sredstava Programa.

(2) Ministarstvo može raspisati drugi javni poziv za dostavljanje prijedloga projekata ukoliko se ukaže potreba u skladu sa odlukom Vlade ili ukoliko dođe do povećanja budžeta, te ukoliko se sredstva planirana za finansiranje projekata/zahtjeva ne utroše u vremenskom planu koji je definisan Programom ili izmjenom i dopunom Programa.

(3) Obavezni sadržaj prijedloga projekata/zahtjeva je definisan u formi za apliciranje koja se nalazi u prilogu ovog Programa.

(8.3.)

(Finansiranje prijedloga projekata/zahtjeva)

(1) Maksimalni iznos granta koji može biti zatražen za prvi cilj za projekte je do 20.000,00 KM,

(2) Maksimalni iznos granta koji može biti zatražen za drugi cilj za projekte je do 50.000,00 KM,

- (3) Maksimalni iznos granta koji može biti zatražen za treći cilj za projekte je do 100.000,00 KM,
- (4) Maksimalni iznos grant sredstava koji može biti zatražen za četvrti cilj za projekte je do 100.000,00 KM, a za zahtjeve je do 70.000,00 KM,
- (5) Maksimalni iznos granta koji može biti zatražen za peti cilj za projekte je do 200.000,00 KM.

Vlastito učešće aplikantata u finansiranju predloženih projektnih aktivnosti je minimalno 20 % od vrijednosti kandidovanog projekta.

(8.4)

(Otvaranje aplikacija i administrativna provjera)

- (1) Otvaranje aplikacija i administrativna provjera za prijedloge projekata/zahtjeva provodi se najkasnije 10 (deset) dana od dana zatvaranja javnog poziva.
- (2) Administrativna provjera se provodi u cilju utvrđivanja da li podnosilac koji je dostavio aplikaciju ispunjava uslove za dobijanje statusa aplikanta u skladu sa odredbama ovog Programa. Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila slijedeće uslove:
 - da je aplikacija dostavljena u roku i na način predviđen Programom;
 - da su dostavljeni svi prilozi na način predviđen Programom;
 - da je aplikacija potpuna i ispravno popunjena u skladu sa propisanom formom;
 - da aplikant ispunjava opšte uslove za učestvovanje u Programu;
 - da aplikant ispunjava posebne uslove za učestvovanje u Programu;
 - da je aplikacija u skladu sa prioritetima, posebnim uslovima i ograničenjima za korištenje podrške;
 - da je aplikacija usklađena sa svrhom programa, opštim ciljevima programa, da je zahtjevana podrška u skladu sa posebnim ciljevima Programa, da je predloženo finansiranje u skladu sa odredbama o finansiranju, da su ispunjeni uslovi i kriteriji za ostvarivanje podsticaja.
- (3) Ukoliko su ovi uslovi ispunjeni, Komisija će aplikaciju evaluirati u skladu sa odredbama Programa.
- (4) Komisija može zatražiti od aplikanta dostavljanje dodatne dokumentacije, ukoliko je očigledno da je dokument izostavljen zbog slučajne tehničke greške, a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije (pismenim putem) za maksimalno dva dokaza o ispunjavanju opštih ili posebnih

uslova koja su propisana Programom. U suprotnom aplikacija će i bez evaluacije biti odbijena iz administrativnih razloga.

(5) Aplikacije pisane rukom će biti automatski odbijene.

Nakon provedene procedure, Ministarstvo za privredu će obavijestiti sve aplikante o rezultatima administrativne provjere.

(8.5)

(Evaluacija dostavljenih prijedloga projekata)

(1) Za provođenje procesa selekcije, evaluacije i ocjenjivanja prijedloga projekata Ministarstvo za privredu formira komisiju.

(2) Komisija sve dostavljene aplikacije razmatra i evaluira u periodu od 10 (deset) dana od završetka administrativne provjere.

Pri evaluaciji projekata komisija primjenjuje pet grupa kriterija i to:

- a) Finansijski i operativni kapaciteti aplikanta,
- b) Relevantnost,
- c) Metodologija,
- d) Održivost,
- e) Budžet i troškovna efikasnost.

(8.6.)

(Ocjenjivanje/evaluacija aplikacija)

(1) Evaluacija aplikacija se provodi na osnovu kriterija i skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećem redoslijedu:

1- veoma slabo; 2- slabo; 3- adekvatno; 4- dobro; 5-veoma dobro.

(2) Svaka ocjena se množi sa koeficijentom koji je za svaki kriterij predviđen u evaluacijskoj skali. Maksimalan broj bodova za projekat iznosi 100. Maksimalan broj bodova za zahtjev za sredstvima iznosi 80.

(3) Projekti koji imaju manje od 70 bodova i zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15, aplikacija se odbija bez obzira na dobiven ukupan maksimalan broj bodova.

(4) Ukoliko je ukupan rezultat u poglavlju **budžet i troškovna efikasnost** manji od 15, aplikacija se odbija bez obzira na dobijen ukupan maksimalan broj bodova.

(5) Komisija će procjenjivati vrijednost kriterija. Prilikom određivanja vrijednosti kriterija Komisija će ocjenjivati vrijednost kriterija na osnovu prioriternih aktivnosti programa, finansijskih kriterija programa, i načina rangiranja koji su propisano programom. Svi članovi Komisije dodijeljuju ocjene, a ukupan broj bodova se dobija kada se ocjene dobijene od svih članova Komisije podijeli sa brojem članova Komisije.

(8.7.)

(Kriteriji i skala za evaluaciju)

KRITERIJ	SKALA	
	Projekti	Zahtjevi
1. Finansijski i operativni kapaciteti aplikanta	10	
1.1. Procjenjeni nivo iskustva aplikanta u upravljanju projektom (iz aplikacije)?	5	-
1.2. Procjenjeni nivo finansijskih kapaciteta aplikanta neophodnih za implementaciju projekata (aplikacija i budžet projekta)?	5	-
2. Relevantnost	30	25
2.1. Koliko je aplikacija relevantna za svrhu, opšti cilj i posebne ciljeve?	10	5
2.2. Koliko je aplikacija relevantna za prioritne aktivnosti u okviru svakog posebnog cilja?	10	10
2.3. Koliko je aplikacija relevantna za očekivane rezultate?	10	10
3. Metodologija	10	
3.1. Da li su jasno definisani ciljevi provođenja projektnih aktivnosti, mjerljivi, ostvarivi, relevantni i vremenski definisani?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta neophodni za ostvarivanje planiranih rezultata iz projekta?	5	-
4. Održivost	20	25
4.1. Da li će mjere podrške Programa značajnije doprinijeti rješavanju problema koji je naveden u prijedlogu projekta?	5	5
4.2. Da li predložene aktivnosti mogu imati pozitivne efekte na smanjenje operativnih troškova i povećavanje operativnih prihoda aplikanta?	10	10
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz Programa?	5	10
5. Budžet i troškovna efikasnost	30	30

5.1. Da li je odnos između planiranih troškova i očekivanih rezultata zadovoljavajući?	10	10
5.2. Usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta?	10	10
5.3. Učestvovanje aplikacija u troškovima realizacije projekta ?	10	10
MAKSIMALAN BROJ BODOVA	100	80

TAČKA 9.

PRIORITETI, OGRANIČENJA, FINANSIJSKI KRITERIJI I NAČIN RANGIRANJA

(9.1)

(Prioritetne aktivnosti)

U skladu sa Zakonom o unapređenju lokalnog poslovanja kao i mjere odnosno aktivnosti koje se nalaze u istim, prioritetne aktivnosti i mjere u okviru prvog posebnog cilja su:

(1) Podrška Javnim preduzećima sa područja BPK Goražde koja se bave zaštitom i brigom domaćih životinja, kroz uređenje-opremanje radnih prostorija, nabavka neophodne opreme, kao i utopljanje objekta, kako bi se omogućio nesmetan rad odnosno poboljšalo poslovanje preduzeća.

Prioritetne aktivnosti i mjere u okviru drugog posebnog cilja su:

(2) Podrška Javnim preduzećima u nadležnosti Bosansko-podrinjskog kantona Goražde koja se bave informisanjem odnosno emitiranjem radijskog i televizijskog programa na području Bosansko-podrinjskog kantona Goražde kroz uređenje i opremanje radnog prostora u cilju poboljšanja uslova za rad.

Prioritetne aktivnosti i mjere u okviru trećeg posebnog cilja su:

(3) Podrška Javnim preduzećima koja se bave uzgojem, zaštitom, pošumljavanjem kao i iskorištavanjem šuma i sekundarnih šumskih proizvoda, sa područja Bosansko-podrinjskog kantona Goražde. Podrška se odnosi na novčane podsticaje koji bi omogućili javnim preduzećima nabavku neophodne opreme u cilju održivosti preduzeća, zadržavanju zaposlenih, a sve u cilju omogućavanja što kvalitetnije proizvodne djelatnosti i kvalitetnijih usluga.

Prioritetne aktivnosti i mjere u okviru četvrtog posebnog cilja su:

(4) Podrška Javnim preduzećima koja vrše upravljanje, zaštitu, održavanje objekata i obavljanje djelatnosti od javnog interesa za kanton i koja su u nadležnosti Bosansko-podrinjskog kantona Goražde, odnosi se na novčane podsticaje za projekte koji mogu biti: za nabavku opreme, uređenje zajedničke i pojedinačne infrastrukture koja će omogućiti unapređenje poslovanja, kao i za zahtjeve koji mogu biti za: izmirenje obaveza prema dobavljačima i zaposlenima, te bilo koji drugi

troškovi koji utiču na zadržavanje radnika, a sve u cilju održivosti preduzeća, novom zapošljavanju i pružanja što kvalitetnijih usluga.

Prioritetne aktivnosti i mjere u okviru petog posebnog cilja su:

(5) Podrška javnim komunalnim preduzećima sa područja Bosansko-podrinjskog kantona Goražde koja pružaju usluge od javnog interesa. Podrška bi se odnosila na nabavku prioritetne opreme koja je neophodna za pružanje komunalnih usluga (sanacija vodovodne mreže, odvoz komunalnog otpada, sanacija kanalizacione mreže, nabavku/sanaciju-popravlak osnovnih sredstava za rad preduzeća i nabavku neophodnih pomoćnih sredstava i sitnog inventara (pumpi, vodomjera, ventila cijevi, kontejnera i kanti za smeće).

(9.2)

(Način rangiranja)

- (1) Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji su veći broj godina poslovali sa dobitkom, koji imaju bolju organizacionu strukturu.
- (2) Prilikom ocjenjivanja relevantnosti projekta prednost će se davati projektima koji su predviđeni Programom, a komisija će voditi računa o raznolikosti i zastupljenosti usluga na području kantona koje su predmet apliciranih projekata.
- (3) Prednost će se dati aplikacijama koje imaju za cilj realizaciju prioritetnih aktivnosti i mjera predviđenim ovim programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih programom.
- (4) Prednost u pružanju podrške će se dati projektima koji omogućavaju ostvarivanje većih rezultata koji su predviđeni ovim programom.
- (5) Prilikom ocjenjivanja metodologije ocjenjivat će se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta će imati prednost pri rangiranju.
- (6) Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultatai koje mogu dugoročno osigurati nastavak aktivnosti i nakon završetka projekta.
- (7) Prilikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije programa.

TAČKA 10.

NAZIV KORISNIKA SREDSTAVA

(10.1)

(Korisnici sredstava)

(1) Korisnici sredstava su javna i javna komunalna preduzeća sa područja Bosansko-podrinjskog kantona Goražde, koja ispunjavaju opšte i posebne uslove Programa, koja su uspješno završila proces apliciranja, selekcije i evaluacije i koja su uspješno rangirana za korištenje sredstava iz ovog Programa.

(10.2)

(Registar korisnika)

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog programa za period od pet godina od godine dobijanja državne pomoći.

TAČKA 11.

PROCJENA REZULTATA

(11.1)

(Pregled očekivanih rezultata podrške)

(1) Očekivani rezultati Programa podrške razvoju javnim i javnim komunalnim preduzećima iz Programa su:

- stabilnost javnih preduzeća;
- otvaranje novih radnih mjesta;
- zadržavanje postojećih radnih mjesta;
- poboljšan kvalitet i kvantitet usluga;
- povećanje obima poslovanja i omogućavanje dugoročnog stabilnog poslovanja preduzeća.

(2) Aplikanti su dužni u prijedlogu projekta navesti specifične rezultate koji su direktno povezani sa djelatnošću javnih preduzeća i moraju biti mjerljivi i jasno vremenski određeni.

(3) Sve aplikacije koje se podnose za finansiranje iz sredstava programa će biti procjenjivani u odnosu na njihove očekivane rezultate. Očekivani rezultati prijedloga projekata za sredstvima se procjenjuju u odnosu na očekivane rezultate programa.

(11.2)

(Kvantitativni pregled očekivanih rezultata)

(1) U cilju osiguranja procjene rezultata Programa odabrani korisnici koji su dobili podršku, dužni su nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz Programa. Odabrani korisnici dužni su dostaviti Izvještaj o utrošku sredstava. Forma i sadržaj Izvještaja o utrošku sredstava će biti objavljeni na web stranici Ministarstva za privredu.

(11.3)

(Monitoring implementacije programa)

(1) Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim Ugovorima i u skladu sa odredbama ovog programa. U cilju osiguranja procjene rezultata odabrani korisnici sredstava su dužni nakon utroška sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz Programa.

(2) Nadzor realizacije Programa vrši Ministarstvo za privredu Bosansko-podrinjskog kantona Goražde.

(3) Mjerenje rezultata i provedenih aktivnosti će se vršiti na osnovu monitoringa implementacije projekta, sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

(4) U slučaju da rezultati monitoringa ukažu na značajan zaostatak u ispunjavanju ugovorenih obaveza, Ministarstvo za privredu predlaže Vladi Bosansko-podrinjskog kantona Goražde donošenje Odluke o povratu dodjeljenje državne pomoći ili preusmjeravanje u skladu sa odredbama Programa.

TAČKA 12.

PROCJENA NEPREDVIĐENIH RASHODA I RIZIKA

(12.1)

(Nepredviđeni rashodi)

(1) Nepredviđeni rashodi za Programom predviđene aktivnosti mogu se pojaviti samo kao rezultat promjena unutar interne strukture Programa, ali ne i do povećanja ukupnih nepredviđenih rashoda Programa.

(12.2)

(Rizici)

(1) Kako bi se smanjili rizici u procesu implementacije Programa omogućavaju se službenicima Ministarstva terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

(2) Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

TAČKA 13.

POTREBAN BROJ RADNIKA ZA PROVOĐENJE PROGRAMA

Za provođenje programa nadležni su zaposleni u Ministarstvu za privredu Bosansko-podrinjskog-kantona Goražde i Program ne zahtjeva angažovanje dodatnih radnika na provođenju programa.

Broj: 04-11-125-2/26

Goražde, 23.01.2026. godine



Saglasnost na ovaj program dala je Vlada Bosansko-podrinjskog kantona Goražde
Odlukom broj: 03-11-121/26 od 22.01.2026. godine